

六藝之一錄



欽定四庫全書

六藝之一錄卷五十

錢唐倪濤撰

石刻文字二十六

圉令趙君碑

君諱闕字闕建闕四慕循其緒温良恣儉敦詩闕六積

而能散菲薄其身博施闕八芬芳暘于諸夏郡仍優畧

五官掾功曹州辟從事司徒楊公辟以况憂不至其後

司徒袁公仍辟闕除新闕長遼圉令播德二城風曜

六藝之一錄

六藝之一錄

二

穆清當

關字

會被疾去官年六十有八以中平五年冬

十一月壬寅卒

關字

斯詠

關字

紀伐以誌後昆其辭曰

天寔高唯聖同戲我君羨其縱體弘仁蹈中庸所臨歷

有休功追景行亦難雙刊金石示萬邦

初平元年十二月廿八日立

右漢故園令趙君之碑隸額名字俱缺趙君所歷二  
邑其一惟存新字而滅其下文其卒以靈帝中平五  
年又二年獻帝初平元年立此碑趙君先為司徒楊

公所辟後為司徒袁公所辟洪農楊氏汝陽袁氏為  
司徒者皆三人陳國袁氏一人此蓋靈帝時事熹平  
五年十月司徒袁隗罷十一月楊賜為司徒六年十  
二月楊賜免光和元年二月袁滂為司徒此碑先楊  
而後袁則楊賜素滂也兩相或輓之或推之不過一  
縣令吹噓而上九天良不易云

隸釋

碑亦以縱為蹤

全上

右園令趙君碑其額題漢故園令趙君之碑而最後

題初平元年十二月二十八日立碑已訛缺名字皆  
不可考所可見者有云郡仍署五官掾功曹州辟從  
事司徒楊公辟遷圉令播德二城風曜穆清被疾去  
官年六十有八以中平五年冬十一月卒後有銘詩  
特完好其辭云天寔高惟聖同戲我君羨其縱體弘  
仁蹈中庸所臨歷有休功追景行亦難雙刊金石示  
萬邦其詞頗爾雅故錄之

金石錄

漢圉令趙君碑當趙明誠時已刊缺名字無考而所

載銘辭今尚彷彿可讀書法方整鍾蔡所近其碑是漢舊刻可重也金石錄云司徒楊公辟考碑乃司徒

袁公辟當以碑為正

舟州山人藁

初平元年立在鄧州名字俱不存

漢隸字原

巴郡太守樊敏碑

君諱敏字升達肇祖庖戲遺苗后稷為堯種樹舍潛于岐天顧曹甫乃萌昌發周室衰微霸伯匡弼晉為韓魏魯分為楊充曜封邑廩土河東樹漢之際或居于樹或

集于梁君纘其緒萃南西壘濱近聖禹飲汝茹汭總角

好學治春秋嚴氏經貫宥

字究

道度無文不睹於是國君

備禮招請濯冕顯跽傑立忠謇有夷史之直卓密之風

鄉黨見歸察孝除卽永昌長史遷宥渠令布化三載遭

離母憂五五斷仁大將軍辟光和中京師擢櫟雄狐

綏綏剗履同囊投杖長驅畢志枕公國復重察辭病不

就再奉朝娉十辟外臺常爲治中諸部從事舉直錯枉

譚思舊制彈饜糾貪務鉏民穢患苦政俗喜怒作律



案罪殺

殺

人不顧倡儼告子屬孫散若此者不入墓門

州里僉然號曰吏師李士不稔米巫死瘡續蠹青羗姦

狡並起陷附者衆君執一心賴無滓恥復辟司徒道隔

不往收伯劉公二士欽重表授巴郡後漢中秋老乞

乞

身以助義都尉養疾閭里又行衰義校尉君仕不為人

祿不爲已栢栢大度體蹈箕首常窮台緄松倚協執八

十有四歲在汁洽紀驗期臻奄督臧形凡百咸痛士女

涕冷臣子衰術刊勒銘其辭曰

於戲與考經德炳明勞謙損益耽古儉清立朝正色能  
無撓順威恩御下持滿億盈所歷見慕遺歌景形書  
載俊乂股肱幹楨有物有則模楷後生宜參鼎鉉稽建  
皇靈王路阪險鬼方不庭恒戢節足輕寵賤榮故闕大  
選而捐陪臣晏嬰邨殿留侯距齊非辭福也乃辟禍兮

亂白演元垂

闕

岳瀆

闕

兮金精大佐寔生賢兮

闕

欲

救民德彌大兮遭偶陽九百六會兮當避李今遂逝兮

歎嗟懷哉魂神

闕

兮

建安十季三月上旬造石土劉盛息慄書

右漢故領校巴郡太守樊府君碑篆額今在黎州樊君名敏屢為公府所辟有寧武之智豚遯不出嘗表巴郡以衰義校尉養疾閭里碑云八十有四歲者汁洽蓋獻帝建安八年癸未歲也卒後二年立此碑碑云牧伯劉公二世欽重表授巴郡後漢中其額以領校巴郡太守稱之者朝無成命也後漢中者亦嘗再表此郡也二劉謂焉與璋也強藩擅命智者見幾而

作所謂捐陪臣者不食二劉之粟也帝紀中平元年  
春鉅鹿人張角反其秋巴郡妖巫張脩反注云脩療  
病愈者出米五斗號為五斗米師劉焉傳張陵作符  
書以惑百姓受道者出米五斗謂之米賊陵傳子衡  
衡傳子魯魯與張脩掩漢中守雄於巴蜀注引典略  
云張脩為太平道張角為五斗米道數說雖小異同  
蓋諸張皆有妖術總是米巫惟張角不曾犯蜀此云  
米巫凶害姦狡並起謂脩魯也中平五年益州黃巾

馬相攻破州郡自稱天子是時蜀人必有淪於僞命者此云君執一心賴無洿耻謂此也碑云遭離母憂五五斷仁與費鳳碑非五五同義謂二十五月也投核長驅者以核為効也京師擾攘雄狐綏綏謂中官用事也助義都尉裒義校尉史策未之見劉焉到蜀以張魯為督義司馬可見助義裒義皆劉焉率爾創置者爾雅西漢淮南子歲在未皆作協洽史記天官書作叶洽歷書亦作協洽史晨碑云汁光之精即黑

帝叶光紀也此作汁洽其音與協同

隸釋

碑以獲獾為擾攘朝娉為朝聘譚思為殫思倡

儼為猖獗衰術為衰述題剛為題綱顧即顧字禹

即禹字殺即殺字歛呼即嗚呼字

全上

右巴郡太守樊君碑云君諱敏字升達肇祖宓戲  
遺苗后稷為堯種樹舍潛于歧天顧亶甫乃萌昌發  
周室衰微霸伯匡弼晉為韓魏魯分為楊充曜封邑  
厥土河東楚漢之際或居于楚或集于梁君續其緒

華南西壘又云總角好學治嚴氏經貫穿道度無  
文不睹於是國君備禮招請濯冕題冠傑立忠蹇  
有夷史之直卓密之風鄉黨見歸察孝除郎永昌  
長史遷宥渠令大將軍辟光和之末京師擾攘雄  
狐綏綏冠履同囊投核長驅畢志枕邱國復重察  
辭病不就再奉朝聘七辟外臺常為治中諸部從  
事又云李世不祥米巫凶瘡姦狡並起諂附者衆  
君執一心賴無汙耻復辟司徒道隔不往牧伯劉公

表授巴郡以助義都尉養疾閭里又行衰義校尉年八十有四歲在協洽紀驗期臻奄忽威形其後有銘寔後題建安十年二月上旬造漢碑類多刓缺而此碑獨首尾完好故載其大略于此米巫凶瘡者謂

張魯也

金石錄

巴郡太守樊敏碑建安十年立在雅州隸釋云在黎

州墨寶云廬山縣

漢隸字原

漢故朝請巴郡太守樊府君碑漢隸分韻碑目有



之近四川廬山縣石馬寶子山鄉民任氏與土官高氏爭田於草莽中得之其字尚可讀碑陰有宋崇寧

中知縣

闕

常及眉山程勤懋傳題識巡撫心齋李公

敬之始命工摹搨以傳

闕

宋崇寧壬午知縣

闕

常題

碑陰云相傳謂魏受禪碑為世絕出而此碑乃建安

十年所立又在黃初以前雖暴露

闕

埜而字

闕

醇古

文尚可讀豈非所

闕

遠而人

闕

知者歟然而千餘

間霖雨之所

闕

陽之所暴有獸已倒有

闕

已摧

而此將仆是可憫也余因扶其既倒植其將仆又為  
屋以庇之庶幾永其傳也宋紹興己卯眉山程勤懋  
傳題云皇上勵精更化以揚祖宗之大烈屬當京師  
父老流涕太息思欲復見漢官威儀之時而僕仕于  
廬山天下最窮處乃得建安十年巴郡太守樊君故  
碑於荒山榛莽間亟作大屋覆其上表而出之目其  
顏曰巴郡太守樊公之墓嗚呼碑所記崇寧壬午距  
今五十八年而人之任是邑者皆吾鄉人扶倒植仆

偶相似然豈物之廢興固有數邪碑文僅存慎故錄

之

升庵  
外集

巴郡太守樊敏碑八分書建安十年三月重刻本字  
甚拙惡其文有云皆為韓魏者析之異米巫凶虐者  
凶之異歲在汁洽者協之異士女涕洽者零之異呂  
氏春秋凶氣不入身無苛殃漢書藝文志星事凶悍  
後漢書禮儀志大讎中黃門倡偃子和曰甲作食凶  
廣韻凶即凶字古文爾雅歲在未曰協洽史記歷書

作汁洽天官書作叶洽方言自關而東曰洽關西曰  
汁春秋文耀鉤黑帝叶光紀周禮禮記注並作汁周  
禮太史讀禮書而協事故書協作叶杜子春云叶協  
也書亦或為協或為汁大行人協辭命故書協作叶  
鄭司農云叶當作汁張衡西京賦五緯相汁五臣作  
叶漢書引洪範協用五紀又作叶師古曰叶讀曰叶  
四字皆以十為聲而从勗从口从水从日則各異耳  
尚書大傳其歌聲比余謹名曰晷陽注謂春厥民析

則析之為哲或亦可通用乎

金石文  
字記

益州太守高頴碑

君諱頴字貫方其先出自帝顓頊之苗胄裔乎逢伯陵

者殷湯受命陵有功食采齊闕樂邑世為正卿氏采建

姓至高闕為桓公將南陽之師而成魯闕美於春秋訖

漢闕有四城闕八闕外家闕三道至君立闕五親仁樂

善游心無藉無闕三翔闕十仕郡辟君清蹇之闕不淪

時闕舉孝廉闕九州表蜀郡北部府丞武闕令闕阿鄭

之闕 賦晏闕之闕 性試守廣漢屬國都尉猶宓子之

左宓配配李牧之鎮代試守益州大守闕三之闕 罰膺

求由之政事班芳聲於國畿理高滿之危溢當登緄職

綏闕時靡運闕未濟天降闕殃闕害闕貞良建安十四

年八月於官卒臣吏播舉而悲叫梨庶踊泣而忉恒追

思念義縗經墳側目佗頌曰穆穆我君帝顓之胄匡輔

齊桓闕無其偶苗裔流行闕彼梁州惟君立節卓爾絕

殊學闕從政闕無如累宰城子牧惠澤沾優剖符典郡

威德

闕

禾民敬讓闕斷苞組宜享薰輔

闕

德將舒乾

流

闕

戾

闕

見墮徂凡百悽愴痛乎何辜衽爾後嗣子孫

之模

右漢故益州太守高君之碑隸額今在雅州高君名  
頤又有兩闕徧舉其官一云益州太守陰平都尉武  
陽令北府丞一云益州太守武陰令上計史舉孝廉  
諸部從事此碑磨滅不見察廉宰邑之文惟北部府  
丞之下若有一武字當是武陰或武陽也碑云廣漢

都尉而闕作陰平者廣漢有陰平道也碑云蜀郡北  
 部府丞而闕作北府丞者省文也銘有闕斷苞組之  
 句下文以舒徂辜模協韻知其以組為苴明矣輔齊  
 侯者謂高模也

隸釋

碑亦以緄為袞梨為黎

工全

益州太守高頤碑建安十四年立在雅州嚴道縣

漢隸

字原

綏民校尉熊君碑



君諱闕字子闕其先蓋帝顓頊高陽氏之苗裔周有天

下成王建國熊繹封楚慶祚闕於闕亦世載德世餘

代君之高祖父籌自汝南吳闕子靈王玄孫大漢龍

興闕舉鄉闕拜議郎南巡郡國封龍平闕祖父旻舉

字闕三闕大司馬紹遜闕曾祖父範督韶守長州辟元闕六

君闕應上計闕祖父師闕上計掾君闕高字漢舉

更督韶主簿五官闕三奏辟頊志皓首衣官應就君

立迹唯仁與闕祖父闕治歐羊尚書六日七分少

仕州郡臨朝審鄂孔甫之操以忠孝稱更諸曹闕賊

曹主記史替詔主簿五官功曹州闕八舉孝廉上計掾

興平元年八月二十八日王寅詔書除補桂陽曲紅長既

敷文武為政果達臨化宣惠所去遺績視事六載荆闕八

字奔闕掩迫之周罹災致寇闕郡清亂鎮南將軍荊州

牧侯山陽劉君諱表字景升以君稟純履正出自帝宇

緬榮輕舉厲志疾躬邪牧侯闕弄為民所安闕命還拜

綏民校尉領曲紅長儗益五車政隆上古派移歸懷緼

負而至吏民佗誦曰彼熊父子兮解我患周安我闕移遭

毋憂

闕

去官陽九應會王室威闕君功顯宿著海內

諮美拜騎都尉受命立灌陽縣督長六載無爲而治稽  
則先民闕附商無怨曠聲君春秋七十有一以廿一車

三月廿七日丙寅卒官吏民懷慕官屬五從黃躬闕

奚湯

闕

扶送靈

闕

哀如彫傷顧見農夫泣淚路堦

皆懷悽愴哀我惠君君同產弟望季公貞性忼慨史  
魚之直吏功曹列掾督甜都梁長早終君長子再孝

存姿操敦良耽志好學博覽雅藝

闕

曹列

闕

三奏

辟召於州終昔周文公作頌宋成考父公子奚斯追羨  
遺績紀述前勲於是刊碑以示後緄其詞曰

赫赫熊君遷基

闕

宇漢興代項巡行南土顯封受爵遂

爾延祖系葉休隆君肩其緒克明盛德字牧城社所在  
有績龜銀之祚河維挺錄為國毗輔懿懿其操穆穆其  
姿光光其行桓桓其威清靈澹泊後嗣式序窈穉之應  
實賴厥後昊天忽然枕榮終祐喪我良則國共良輔其

存也榮其亡也哀銘勒金石沒而衣朽靈也有知祐福  
子孫支干相生吉而無咎咎字詩云嘉樂君子顯顯令德  
延于無極

追叙君兮懷純精名稱於州里兮樞機發動執忠貞兮  
溷亂而衣衽身事汙君兮捐土樹而進退崇禮約行兮  
舉動而衣跌遭濁而自靖兮泥而不滓穢嗚呼君兮匪  
石是爲州郡禮遇兮名貫於四表德稱並宣先兮賢比  
於前列韶皞之歎岐兮束脩稷由文武兮興後葉子孫

殞兮世享祿龍潛體於枯木兮就生存是以刊石兮爲  
君立碑攬瑛雄之迹兮以闕來詰嗣長基而廣宇兮後  
世無廢違

故長沙茶陵長文春字季秋貞操貞良慈仁汜愛治天  
官日度夙角列宿明知聖術在官循德民歌遺風春秋  
七十以道殞遷宗肩衣紀故爲宣昭

故桂陽陰山豫章

闕

長重安侯相杜暉字慈明體貞弘

亮敷仁好道治易梁丘春秋公羊氏綜覽百家無所不

甄典歷三城居官清惠遺愛匝民春秋六十終旌後

闕

術故曰顯以永來肩

建安廿一車十

闕

月丙寅朔一日丙寅大歲丙申碑師

春陵程福造

右漢故綏民校尉騎都尉桂陽曲紅灌陽長熊君之  
碑篆額今在道州獻帝建安二十一年造漢人書墓  
闕及神道則有盡列其平生所歷官者及銘志則舉  
其所終或所歷之清高者題之其叙先世但云某君

之孫某君之子既不名其父祖亦不著其德美此碑  
獨異於他刻高曾之間又有祖父是其上闕文蓋伯  
叔祖也祖之下云君喬字漢舉喬上亦闕一字必父  
也碑首熊君名字皆殘缺歐陽公以喬為綏民非也  
後漢志荆部無灌陽晉志零陵始有觀陽水經云湘  
水北逕觀陽與灌水合唐上元中呂諲奏用蕭銑舊  
名復置灌陽今隸全州碑云受命立灌陽縣則是劉  
表初命熊君置此邑也綏民校尉亦表所創者與高



顧褒義校尉相類漢末王政不綱始建牧伯諸劉在  
荆益擅權專恣無尊獎王室之心名官置縣皆不以  
告故史氏逸而不書碑後載茶陵長文春重安侯相  
杜暉二人官壽行事各數十言似是同郡盛德之士  
作文者惜其無所紀錄故附之左方也

釋隸

碑以歐羊為歐陽以蹇鄂為蹇諤後緄為後昆瑛  
雄為英雄瑁即隅字爵即爵字質即質字風即風

字

全上

右漢熊君碑云君諱喬字舉舉工減一字其官闕不  
可詳考其僅可知者劉表時為綏民校尉後遷騎都  
尉建安二十一年卒享年七十有一其云治歐羊尚  
書其字非訛闕而以陽為羊蓋古文字少故須假借  
至漢字已備而猶假用何哉後云太歲在申申上減  
一字以歷推之當是丙申又云碑師春陵福造福上  
減一字當是其姓其書顯字皆為顯按許氏說文顯  
從焜而轉為累其失遠矣莫曉其義也

集古錄

右隸書不著書撰人名氏熊君名喬字舉舉上一字  
缺不可識後漢末為桂陽曲紅長拜綏民校尉遷騎  
都尉灌陽長而卒其銘辭之後又曰長沙茶陵長文  
春字季秋重安侯相杜暉字慈明皆略有所叙述碑

以建安二十一年立

集古  
錄目

右熊君碑其名字皆殘缺其額題漢故綏民校尉騎  
都尉桂陽曲紅灌陽長熊君之碑初余得桂陽太守  
周君碑陰據水經注以為曲江漢時本名曲紅今此

碑及額亦皆作紅乃知酈道元為有據也金石錄

建安二十一年立 在道州名字俱不存漢隸字原

荊州從事苑鎮碑

漢故荊州從事苑君諱鎮字仲弓南陽沅陽人也其先出自苑柏何為晉樂正世掌朝禮之制失其官次侈呂自僭闕采替紕春秋錄徹譔祖諸世有苑子園寔能紀陰陽之理其稱徹而顯闕名著遂茲盛建功子孫爰居來宅沅陽君即其胄也君肇建仁義之基始創五福之

衢韜大杜綜宰陶甫侯之遺風故易稱師出呂律五用  
是經平不枉理政呂憲循須律定紀功績各闕德闕州  
里水蓄流速行著即休先公門之忠盡節君父遂登朝  
朝階爲郡督邳列掾膺姿管蘇靖供衛上方平不阿嚴  
而不闕清介之聲嘖然發越州伯是聞備禮招納呂部  
江夏過郡麻縣莫不雲披風靡畏威裒德垂芳遺蔭紀  
誥兮今當陟泰階配耀岳嵩壽不極旄早世隕終景肱  
之盾三葉州郡官有世功位即繼倫於是乃欽樹玄石

甄德表勛其辭曰

於惟從事茂德翔羊構基崇業侯室侯堂契擬李文仁  
若春風義呂繼志禮爲宗匡受慈愛與世無傷上德  
不德身翳名章靈永邁矣享斯榮光

右漢故荊州從事范君之碑篆額范君名鎮碑無所  
終歲月其云韜律大杜綜宰陶甫侯之遺風蓋法家  
者流范史云律謝臯蘇而制令改易注以蘇爲司寇  
忿生此云膺姿管蘇謂夷吾與忿生也

隸釋

供與共同麻即歷字裏即懷字繼即絕字契即絜  
字上全

右苑鎮碑其略云漢故荊州從事苑君諱鎮字仲弓  
南陽人也其先出自苑柏何爲晉樂正世掌朝禮之  
制又云有苑子園寔能掌陰陽之理即其冑也按姓  
氏書苑氏出于左傳所載齊大夫苑何忌之後今此  
碑所謂苑柏何與子園左傳國語皆無其人故錄之

以待知者

金石錄

漢故荊州從事苑君之碑篆額碑云君諱鎮字仲弓

南陽人也碑殘缺不見立石年月

復齋碑錄

碑無歲月金石不載或云在襄州

漢隸字原

督郵班碑

督郵諱班字子翁司吾君少子尚書之小弟

下翁稟中

和之正氣攬生民之上搽舍仁孝之

下慎終于追遠尚

德乎歸厚敦濟濟集門宇

下乘時而苟求甘儒家無

三闕

字從政之得亡

下噴意五葉遂悉包之握樞運棋要道



氏綜百闕下貪請闕下顯雲光匡化衛君卓有殊蹤及左國

為曹史督却固闕下六藝虞精孔流漂柔遠而邇以思又

新自同寒苦服麤闕下蹈寬大襜然淡亮有似老氏非凡

所識賢闕下可具書衆善之報實謂永壽掌文懷寶道審

當闕下賈顏氏遇諸嗟我我吉士與此為疇刑藏闕下地共

發憤猛刊石勒銘傳之巧後其辭曰

昂昂子翁如珪如璋樂古耽道思散緯經闕下棟梁枕謬

闕下錄仲夏賈霜隱儀厚土闕下靈真身潛名顯旂精大玄

嗚呼下

闕

右督郵碑云諱班字子翁司吾君之子尚書君之弟也其碑無額故不得其姓石既碎落故不知其所終司吾者侯國屬下邳碑有與顏氏為疇之句又有少子小弟之稱銘曰仲夏實霜必不幸蚤夭者嘖志五業嘖當讀為頤要道氏綜氏當讀為是也

隸釋

碑無年月其字畫是東漢人書

金石錄

督郵班碑在徐州無額諱班字子翁不知其姓石斷

亦不知其所立之年月

漢隸  
字原

### 戚伯著碑

曹周別封氏衛咸邑而為性焉

闕漢闕

七闕

王甥

是時蘭特進朝侯大僕光祿傳東臨營持節

闕

方

充列王室遇謗于呂委位捐爾調官沛土對卜罔箇安

措東山子孫孝弟薦學應舉止選位至屬國都尉泉

晁府鼎勃海大尉功德渙彰

闕

伯著勃海君玄孫季景

長子也二七府召禮性化知約身學事才略肯通與墨

敏疾倂尚茂盛議者觀如謂復龜鉅之緒而乎大歲丁

死媯妻米氏旬期著橫遇躬度吊蒙禱卜奄遂圜歿豈

魂俱園父哀母悲傷其絕闕怛闕隕嗣緒遠近悽愴

失氣伯著闕卿相之闕伯著下闕

六字

右本周末嗣儼氏襲以興勃海君玄孫伯著之碑隸

額本之上有一字石損其半嘉祐中宿州浚汴得之

泥沙中碑叙其先云調官沛土安措東山子孫孝弟

盖戚姬遭呂后之禍其族有官于沛者宅兆所卜子

孫因家焉符離即沛之封內也襲以興者謂襲周之  
後而興此時墓刻始萌牙標題未當律令其字畫古  
怪偏旁增減亦有不可辨者世祖建武三年章帝章  
和元年威宗建和元年獻帝建安十二年皆丁亥也  
碑有太歲丁亥字當是建武或章和所刻者

隸釋

碑云而為性焉以性為姓也京昆府丞以昆為兆  
也之即之字是即是字策即中字泉即京字晁即  
丞字事即事字才即才字貴即筆字龜即龜字始

即始字躬即邪字而即不字讀即實字惟芳字未詳

上全

右伯著碑者在今宿州出於近歲蓋宮部春夫開汴渠於泥沙中掘得之其文字古怪而磨滅無首尾了不可讀伯著不知為何人其僅可見者云渤海君玄孫季景長子也其事迹不可考文辭莫曉而字畫不工徒以其古怪錄之此誠好古之弊也

集古錄

右其字畫如隸書而甚古怪又多磨滅伯著者莫知

為何人其時世亦不可考但其文有曰伯著者渤海

君玄孫季景長子而其額曰周末嗣某氏

某字不  
可識襲

興興上又缺一字渤海君玄孫伯著之碑而已然則

周亦非伯著之姓也碑在宿州

集古  
錄目

右戚伯著碑首尾磨滅其略可見者有云充列王室

遇謗于呂委位抑爵而其額題周末嗣戚氏襲以興

勃海君玄孫伯著之碑知其氏姓戚以文詞字畫驗

之疑東漢中葉以前人蓋當時石刻見于今者多類

此所謂充列王室遇謗于呂者戚夫人也金石錄

戚伯著碑隸釋云嘉祐中浚汴得之非建武三年即

章和元年也碑云曹周別封氏衛戚邑而為姓焉集

古云不知為何人集古錄自作周伯著亦謂非姓金

石錄作戚漢隸字原

趙相雍勸闕碑金石錄作趙相雖府君碑

高祖父諱竇字伯著孝廉河南令侍御史九江太守闕

君子望字伯栢右校令望子陟孝廉胸忍令闕



陟弟朗字仲冑孝廉弘農令武都太守朗弟勸

字林

闕

孝廉成臯令趙國相勸子煜字稚

闕

孝廉資中

長江令

闕

都尉自右校君以舊墓在水闕而墳墓多

地勢

闕

斯造墳壠碑銘至趙國府君在官五

載莅政清平有甘棠之化季世五卒於官故吏民漢中

太守邯鄲

等慕戀恩德刊石稱頌焉

右漢故趙國相雖府君碑闕十隸字今在梓潼漢代

銘墓所叙人之上世未嘗書其名諱此碑載雍君父

祖諸兄名又有字其官秩甚詳而雍君事迹則甚略  
趙氏以此為碑而謂前十字為闕予考其文水關舊  
墓者謂九江君也右校既易地造壠此之諸冢皆同  
兆域趙相故吏併志其事蓋題闕之文非墓道之碑  
與垣中之銘也止江乃資中曾祖謂之高祖者似指  
其子言之也此碑全類魏晉間所書劉備及劉淵國  
中所刻碑亦題為漢存于今如車騎將軍闕成獻王  
碑是也此刻甚可疑但無年歲可證趙氏又寘諸漢

碑中故存之

隸釋

右趙相雖府君碑其前歷叙家世官爵而所述雖君

事甚略云趙國相名勸孝廉成臯令趙國相又云在

官五載莅政清平有甘棠之化年卅五卒于官故吏

民漢中太守邯鄲某等

其名殘缺

慕戀思德刊石稱頌

焉又有闕銘題漢故趙國相雖府君之闕云

金石錄

在叙州墨寶云歲月不可考金石錄雍作雖

漢隸字原

相府小史夏堪碑

字闕三曹小史夏堪字對德帝禹之精苗闕箕之遺闕三

零陵太守之相嗣也易世承系休祚仍垂印紉闕三字闕豔

罔託堪繼令縱受氣蹈真車左洗闕奉親恭順闕東

脩搽絮冰雪苛獲縣選初涉府朝典職首曹聽闕施布

天殲良善卒道瘵疴賈命友推國空貞僧收傳寵道官

道臨喟慈恩感踴族姐追傷娉會謝氏并靈合樞古命

有之仲泥何恫嗚呼哀哉其辭曰

嗟對德舍對勲質珪玉性馥芬視闕搽齋騏顏悅龍階

望浮雲跼尺水津未彊春華前遭電霜壽不究魄蜚揚  
情悲切著篇章刊石銘傳萬年

右故相府小史夏堪碑隸額在亳州文則崛竒字甚  
怪陋有難以意會者東都辟公府掾皆上言故有秩  
比古之元士三命者東西曹比四百石餘掾比三百  
石屬比二百石其不言者則為百石屬後皆自除故  
通為百石自西曹東曹之下有戶曹奏曹辭曹法  
曹尉曹賊曹決曹兵曹金曹倉曹此碑之前曹上有

闕文其間云典職首曹必東西曹也以其蚤世故謂之小史爾跂尺水津未強春華萌遭電霜造語殊為不苟希騏顏者盖用法言晞驥亦顏之語然以夫子為仲泥則狎侮之罪大於子雲之準易也

隸釋

碑以紼為紼遼為寮跂為跂

全工

右相府小史夏堪碑云夏堪字叔德帝禹之精苗零陵太守之根嗣也後有銘銘三字語頗古其卒葬年月殘缺字雖不工然漢碑也其曰精苗根嗣漢末人

為文喜造語多類此

金石錄

在亳州鄆縣碑無卒莫年月

漢隸字原

富春丞張君碑

君諱闕字闕龍闕君之第三子闕君之對弟下闕承父

兄下闕矜矜寘悔遊居出闕孝友宣聞忠信濶下闕涉貫

多闕通朝立節正言卓下闕如松歲寒而不凋闕六字州

從事臨疑吐下闕深闕其操闕智闕君闕之尤可稱下闕

有秩除吳郡下闕約清間教下闕承道闕邁闕疾三年癸亥

景命不祿君

闕

嚴平李德上感

下闕

新市富春各復早

世既隕慈怒續嗣不茂哀心摧剥靡

下闕

碑古今之常

乃登山萊石刊照厥勛其辭曰

峨峨富春膺姿清烈孝擬叅騫人無間伐與友必信久而

闕

密

闕

敬州問稱實佐政流化垂歌吳域位細德弥禮讓雖

穆曷悟旻穹此此英詰哀矣永徂命不可追周孔至仁弗  
能扞違銘勛示後呂章厥輝

右漢故富春丞張君碑篆額在亳州張君之名髣髴



如湏字土人以為張湛亦非也碑載其父兄而官稱  
磨滅誌文多不成章而銘詩可讀其間云三年癸亥  
景命不祿考東都歷年凡三癸亥永平與光和之六  
年延光之二年是也建光有三年則歲在癸亥但次  
年壬戌已改延光亳社去雒陽不遠不應踰兩載而  
不知改元也此碑先已裝剪不無顛倒棄去者三年  
之下盖有關文也

釋隸

世即世字萊即采字

全上

在亳州無年月其間云三年癸亥景命不祿東漢三  
 癸亥皆非三年疑是西漢復齋碑目謂地志順帝分  
 會稽置吳郡富春屬焉今碑除吳郡下闕當在順帝  
 之後為富春丞三年而卒爾漢隸字原

郎中郭君碑

漢郎中郭下闕君業 安命書所闕五肅闕六其下闕

主簿督闕帥下闕守下闕思下闕以齊其民下闕氏其

殆庶幾闕其有之是以似之以孝廉闕 郡闕功闕

樹闕室與下闕如下闕臨闕如下闕祠烝嘗惠允仲

犀奉繆鄉闕禮終闕舉闕臺閣以尹王室遭疾闕旬醫

並闕究下闕剝切天子使弔羣后咸怨哲人違殂絕

闕寒之性既納嬪下闕頌周南之闕遭下闕之誼為人

後者為之子州郡闕北俊艾叙聖踰哲君之功烈闕銘

天府乃共刊石樹碑式旌下闕

矣郭君柔嘉惟則玄靜闕重猗闕令色闕德惟闕威

儀是力從善懲惡讒慝斯闕功奮千里下闕咸闕孰不

呼天懷忠傷絕元兄繼世貞闕守節壺下闕

載典籍

矣追頡驂冉通神明矣後人下闕永不闕矣

右漢郎中郭君之碑隸額名字皆缺文辭亦有可句

者其云惠兄仲屏又云元兄繼世而有為人後者為

之子之文蓋郭君以兄之子為後也郭仲奇碑嘗有

惠兄之稱此碑復爾仲屏者若非仲奇之伯仲則其

同族也隸釋

郎中郭君碑無名字可考漢隸字原

廣漢屬國都尉丁魴碑

廣漢屬國故都尉丁君諱魴字計河君闕往知形九德

就穆耽樂術藝文雅少疇治易韓詩垂意春秋兼究秘

闕五義率由闕明哲闕漢劉闕落高明與世絕殊

建迹蜀郡屬國風深巴蜀施刑闕表以糾工闕荒闕

州恩加一郡化洽蜀柔三載功成遷廣漢闕善疾惡

闕有闕朱紫不替闕蜀汶水爭弘鄂邦溉灌田畝闕

汜疇佰闕二闕百闕起駱驛紫微熒察授以符

英闕理邊邦羗夷闕兗闕分部頊闕朝廷諷誦四

遠翁赫鄉人好事嚴子脩闕仲容趙伯闕發闕汝

報闕等六十餘人因斯表勒以效俊彥其辭曰

炎唐聖德祚闕漢皇百闕自西徂東隆平闕

以建邦闕不協和萬國明洞君惠子行志則闕從化闕

字奕闕火闕以公為世建闕无窮兮

右廣漢屬國都尉丁君碑今在巴州威宗元嘉元年

立丁君名魴字杼河其碑僅有數句成文如云耽樂術

藝文雅少儔治易韓詩垂意春秋其仕則初為蜀郡  
屬國都尉三載功成遷于廣漢立碑者六十餘人嚴

子脩為之首

隸釋

碑以施刑為苑刑疇佰為疇陌駱驛為絡繹

全上

縣三老楊信碑

故縣三老楊信字伯和祖自河東

關七

字子任為陳留大

守子游

關

舉孝廉

關七

字遷陵蠻夷為盜賊居交侵

關蔣

厲兵甲

關二

字眾患

關

敵

阻與主簿

關六

字子

關十

營

關二

字里第闕禾闕七闕笛為闕民部縣闕三闕曹上列掾闕七

官掾功曹闕事闕二闕長子闕六闕少闕子闕昌隱處潛闕四

字人子闕十闕世二存惟兮和平大漢元車闕禾闕有闕五

字六月上旬大陽用事扶衛闕二闕攀闕六闕大中闕布乃

字闕二闕罪罪闕極之闕靡禾闕六闕三闕老天性闕三闕字闕七

郡闕之闕禮鄉黨稱焉七十有二遭疾禾闕哀我闕三

愴闕然闕宓闕辟世乾川禾闕三闕宗闕三闕不生春秋闕碩

魂兮有靈時來歸闕五闕顏家絕闕永闕三闕子孫楊闕追



念義刑出

闕四字

勒石

下闕

右縣三老楊信碑今在蜀中石已剝剝鮮有成章者  
惟官氏名字俱存所云陳留太守則其父祖也其文  
有蠻夷盜賊及蔣厲兵甲之句蓋是述其扞寇之績  
其官惟有官掾功曹四字其中有惟兮和平大漢元  
年之文惟兮歎息之辭張偉伯墓中石文亦用之和  
平者威宗之紀年其末云七十有二遭疾則其所終

之壽也

釋

碑以蔣為獎扶即赫字全

上

和平元年立在忠州墨寶作金溪楊信碑

漢隸

六藝之一錄卷五十

欽定四庫全書

六藝之一錄卷五十一

錢塘倪濤撰

石刻文字二十七

司馬遷碑

河水歷高陽宮北又東南逕司馬子長墓北墓前有廟廟前有碑文云高門華池在茲夏陽夏陽號邑也華池方三百六十步永嘉四年漢陽太守殷濟瞻仰遺丈大其功德遂建石室立碑樹栢太史公自叙曰

遷生於龍門是其墟墓所在矣

東平憲王蒼冢碑

汶水西逕無鹽縣故城北水側有東平憲王蒼冢碑  
闕存焉元和三年章帝幸東平祀以太牢親拜祠坐  
賜御劔於陵前

樊重碑

湖陽東城中有二碑似是樊重碑悉載故吏人名司  
馬彪曰仲山甫封於樊因氏國焉爰自宅陽徙居湖

陽能治田殖至三百頃起廬舍高樓連閣波陂灌注  
竹木成林六畜放牧魚羸梨菓檀棘桑麻閉門成市  
兵弩器械貨至百萬其興工造作為無窮之巧不可  
言富擬封君世祖之少數歸外氏及之長安受業齋  
送甚至世祖即位追爵敬侯詔湖陽為重立廟置吏  
奉祠巡祠章陵常幸重墓其水四周城溉城之東南  
有若令樊萌中常侍樊安碑

上谷長史侯相碑

汾水西南流逕一故城西俗謂之梗陽城非也案故漢上谷長史侯相碑云侯氏出自倉頡之後踰殷歷周各以氏分或著楚魏或顯齊秦晉卿士為斯其裔也食采華陽今蒲阪北亭地即是城也

尚書虞詡碑

過水又東逕武平縣故城城之西南七里許有漢尚書虞詡碑碑題云虞君之碑諱詡字定安虞仲後為朝歌令武都太守文字多缺不可復尋按范曄漢書

詡字升卿陳國武平人祖為縣獄吏治存寬恕嘗曰  
于公為里門子為丞相吾雖不及于公子孫亦不失  
為九卿故字詡曰升卿定安蓋幼字也

柘令許君清德頌

柘縣城內有柘令許君清德頌石碎字紊唯此文見  
碑

司徒袁滂碑

過水逕大扶城西城之東北悉諸袁舊墓碑字傾低

羊虎碎折唯司徒滂蜀郡太守騰博平令光碑字所  
存唯此自餘不可尋

徵士宋子浚碑

介休縣城東有徵士郭林宗宋子浚二碑宋沖以有

道司徒徵林宗縣人也辟司徒舉太尉以疾辭

郭林宗碑

見前

沈州刺史薛棠碑

昌邑大城東北有金城城內有沈州刺史河東薛棠



像碑以郎中拜剡令甘露降園熹平二年遷州明年  
甘露復降殿前樹從事馮巡主簿華操等相與褒樹  
表勒崇政

沈州刺史楊叔恭碑

金城次西有沈州刺史茂陽楊叔恭碑從事孫光等  
以建寧四年立

沈州刺史班孟堅碑

金城西北有東太山成人班孟堅碑建和十年尚書

右丞拜沈州刺史從事秦闔等刊石頌德政

謁者王誨碑

滎口石門南際河有故碑云惟陽嘉三年二月丁丑  
使河堤謁者王誨疏達河川遂荒庶土云大河衝塞  
侵齧金堤以竹籠石葺葺土而為遏壞墮無已功消  
億萬請以濱河郡徒疏山采石壘以為鄣功業既就  
徭役用息詔書許誨立功府鄉規基經始詔策加命  
遷在沈州乃簡朱軒授使司馬登令續茂前緒稱述

休功登以伊洛合注大河南則緣山東過大伾回流  
北岸其勢鬱懔濤怒湍急激疾一有決溢彌原淹野  
蟻孔之變害起不測蓋自姪氏之所常慮昔崇鮫所  
不能治我二宗之所勗勞於是乃跂涉躬親經之營  
之比率百姓議之于臣伐石三谷水匠致治立激岸  
側以捍鴻波隨時慶賜說以勸之川無滯越水土通  
演役未踰年而功程有畢斯乃元勲之嘉課上德之  
弘表也昔禹修九道書錄其功后稷躬稼詩列于雅

夫不憚勞謙之勤夙興厥職克國惠民安得湮沒而不章焉故遂刊石紀功垂示于後其辭云云使河隄謁者山陽東昏司馬登字伯志代東萊典城王誨字孟堅河內太守宋城向豺字伯尹丞汝南鄧方字德山懷令劉承字季意河堤掾匠等造陳留浚儀邊韶字孝先頌石銘歲遠字多淪缺其所滅蓋闕如也

荊州刺史李剛墓碑

黃水東南流水南有漢荊州刺史李剛墓剛字叔毅

山陽高車人熹平元年卒見其碑有石闕祠堂石室  
三間椽架高丈餘鏤石作椽瓦屋施平天造方井側  
荷梁柱四壁隱起雕為君臣官屬龜龍麟鳳之文飛  
禽走獸之像制作工麗不甚傷毀

桂陽太守趙越碑

獲嘉縣故城西有漢桂陽太守趙越墓冢北有碑越  
字彥善縣人也累遷桂陽郡五官將尚書僕射遭憂  
服闋守河南尹建寧中卒碑東又有一碑碑北有石

柱石牛羊虎皆碎淪毀莫記

魯國孔明碑

修縣城內有縣長魯國孔明碑

安平趙徵碑

安平縣城內有漢冀州從事安平趙徵碑

議郎張平仲碑

盧奴城南東北川渠之左有張氏墓冢有漢上谷太

守議郎張平仲碑光和中立

邠州刺史趙融碑

邠夷縣城北有漢邠州刺史趙融碑靈帝建安元年立

平陽侯相蔡昭冢碑

汝水又東逕蔡岡北岡上有平陽侯相蔡昭冢昭字叔明周后稷之冑冢有石闕闕前有二碑碑字淪碎不可復識羊虎傾低殆存而已

弘農太守張伯雅碑

洧水東南流逕漢弘農太守張伯雅墓塋四周壘石  
為垣隅阿相降列於綏水之陰庚門表二石闕夾對  
石獸於闕下冢前有石廟列植三碑碑云德字伯雅  
河內密人也碑側樹兩石人有數石柱及諸石獸舊  
引綏水南入塋域而為池沼沼在丑地皆蟾蜍吐水  
石湟承溜池之南又建石樓石廟前又翼列諸獸但  
物謝時淪凋毀殆盡矣富而非義比之浮雲况復此  
乎王孫士安斯為達矣



温令許續碑

過水之北有漢温令許續碑續字嗣公陳國人也舉  
賢良拜議郎遷温令延熹中立

陽種令許叔臺碑

柘縣城西南里許有漢陽種令許叔臺碑光和中立  
太尉掾許嬰碑

又有漢故樂成陵令太尉掾許嬰碑嬰字虞卿司隸  
校尉之子建寧六年立餘碑文字碎滅不可復觀當

是司隸諸碑也

山桑文穆冢碑

山桑縣城東有文穆冢碑三世二千石穆郡戶曹史  
徵試博士太常丞以明氣候擢拜侍中右中郎將遷  
九江彭城陳留四郡光和中卒故吏涿郡太守彭城  
呂虔等立

熹平君碑

汲水西去夏侯塢二十里東一里即襄鄉浮圖也汲

水逕其南漢熹平君所立死因塋之弟刻石樹碑以  
進厥德隧前有師子天鹿累磚作百樹柱八所荒蕪  
頽毀凋落略盡矣

太傅掾橋載碑

睢陽城南側有小水南流入于睢城南二里有漢太  
傅掾橋載墓碑載字元賓梁國睢陽人也睢陽公子  
熹平五年立城北五里有石虎石柱而無碑誌

繹幕令匡碑

獲水自蒙東山水南有漢故繹幕令匡碑匡字公輔  
魯府君之少子也碑字碎落不可尋識竟不知所立  
歲月也

司徒袁安碑

徐州治城內有司徒袁安魏中郎徐庶等數碑並列  
植於街右咸曾為楚相也

司徒盛允碑

虞縣有漢司徒公盛允碑允字伯世梁國虞人也其

先夷氏至漢中葉避孝元皇帝諱改姓曰盛世濟其  
美以迄于公察孝廉除郎累遷司徒司空延熹中立  
楊彥揚禪二碑

鄆縣城東七里水次有單父令楊彥尚書郎楊禪字  
文節兄弟二碑漢光和中立也

漢太尉橋玄三碑

睢陽城北五六里便得漢太尉橋玄墓冢東有廟即  
曹氏孟德親酌處操本微素嘗候於玄玄曰天下將

亂能安之者其在君乎操感知已後經玄墓祭云操  
以頑質見納君子士死知己懷此無忘又承約言沮  
沒之後路有經由不以斗酒隻鷄過相沃酬車過三  
步腹痛勿怨雖臨時戲言非至親篤好胡肯為此辭  
哉悽愴致祭以申宿懷冢列數碑一碑是漢朝羣儒  
英才哲士感橋氏德行之美乃共刊石立碑以示後  
世一碑是故吏司徒博陵崔烈廷尉河南吳整等以  
為至德在已揚之由人苟不驕述夫何舍焉乃共勒

嘉石昭明芳烈一碑是隴西枹罕北次守碭守長隲  
為左尉漢陽源道趙馮孝高以橋公嘗牧涼州感三  
綱之義慕將順之節以為公之勲美宜宣舊邦乃樹  
碑頌以昭令德光和元年主記掾李友字仲僚作碑  
文碑陰有右鼎文建寧元年拜司空又有中鼎文建  
寧四年拜司徒又有左鼎文光和元年拜太尉鼎銘  
文曰故臣門人相與述公之行咨度體則文德銘于  
三鼎武功勒于征鉞書于碑陰以昭光懿又有鉞文

稱是用鏤石假象作茲征鉞軍鼓陳之于東階亦以  
昭公之文武之勲焉廟南立二柱東有二石羊羊北  
有二石虎廟前東北有石駝駝西北有二石馬皆高  
大亦不甚雕飾惟廟頽構粗傳遺墉石鼓仍存鉞今  
不知所存

豫州從事皇毓碑

臨睢城西二里水南有豫州從事皇毓碑殞身州牧  
陰君之罪時年二十五臨淮長平輿李君二千石丞



輪氏夏文則高其行而悼其殞州國咨嗟旌閭表墓  
昭叙令德式示後人

臨睢長王君碑

臨睢城內有臨睢長左馮翊王君碑善有治功累遷  
廣漢屬國都尉吏民思德縣人公府掾陳盛孫郎中  
倪定興劉伯鄜等共立石表政以刊遠績

有道兒君碑

魯縣高門一里餘道西有道兒君碑是魯相陳君立

青州刺史孫嵩碑

汶水又東北逕漢青州刺史孫嵩墓西有碑碣

孫賓碩碑

安邱縣牟山之西南有孫賓碩兄弟墓碑誌並在

司農卿鄭康成碑

濰水西有雁阜阜上有漢司農卿鄭康成家碑石猶

存

張敏碑

湍水逕冠軍縣故城東水西有漢太尉長史邑人張

敏碑

左伯豪碑

天下碑錄云左伯桃碑在安肅軍安肅縣西五十里墓前

涅南縣南有二碑碑字紊滅不可復識云是左伯豪

碑

日南太守胡著碑

泚水出湖陽東南山山之西側有漢日南太守胡著

碑子珍騎都尉尚湖陽長公主即光武之伯姊也廟

堂皆以青石為階陛廟之北有石室珍之玄孫桂陽  
太守瑒以延熹四年遭母憂於墓次立石祠勒銘于  
梁石宇傾頽而梁宇無毀盛弘之以為樊重之母畏  
雷室蓋傳疑之謬也

新息長賈彪廟碑

新息外城北門內有新息長賈彪廟前有碑

安邑長尹儉碑

彭山廟西北漢安邑長尹儉墓塚西有石廟廟前有

兩石闕闕東有碑闕南有二獅子相對南有石碣二  
枚石柱西南有兩石羊中平四年立

衛為碑

魯陽縣有南陽都鄉正衛為碑

焦立碑

魯陽牛蘭水側有漢陽侯焦立碑

交趾太守胡寵碑

漢碑目云太傅胡廣碑一作交  
趾太守胡寵碑熹平二年立

夏水又逕交趾太守胡寵墓北漢太傅廣身陪陵而

此墓側有廣碑故世謂廣冢非也其文言是蔡伯喈  
之辭

西戎令范君墓碑

夏水歷范西戎墓南王隱晉書地道記曰陶朱冢在  
華容縣樹碑云是越之范蠡晉太原地記盛弘之荆  
州記劉澄之記並言在縣之西南郭仲產言在縣東  
十里檢其碑題云故西戎令范君之墓碑碑文缺落  
不詳其人稱蠡是其先也碑是永嘉二年立觀其所

述最為究悉似親逕其地者故違衆說從而正之

孝子王立碑

安喜縣有漢明帝時孝子王立碑

李雲碑

廣宗縣清河之右有李雲墓冀州刺史賈瑤使行部  
過祠雲墓刻石表之今石柱尚存俗謂之李氏石柱

司馬文預碑

灞陵明渠北有漢京兆尹司馬文預碑

郭奉孝碑

陽翟縣有郭奉孝碑水側有九山祠碑

華君碑

武當縣有一碑文字磨滅不可復識俗相傳是華君  
銘亦不詳華君是何代之士

張平子墓碑

涓水又逕西鄂縣南水北有張平子墓墓之東側墳  
有平子碑文字悉是古文篆額是崔瑗之辭盛弘之



郭仲產並云夏侯孝若為郡薄其文復刊碑陰為銘  
然碑陰二銘乃是崔子玉及陳翕耳而非孝若悉是  
隸字二首並存曾無毀壞又言墓次有二碑今唯見  
一碑或是余夏逕驛途疲而莫究矣

陰縣郭先生碑

沔水又南逕闕林山東本郡陸道之所由山東有二  
碑其一郭先生碑先生名輔字甫成有孝友悅學之  
美其女為立碑於此

介休郭有道碑

介休城東有徵士郭林宗宋子浚二碑林宗縣人也  
辟司徒舉太尉以疾辭其碑文云將蹈洪崖之遐跡  
紹巢由之逸軌翔區外以舒翼超天路以高峙稟命  
不融享年四十有三建寧四年正月丁亥卒凡我四  
方同好之人永懷哀痛乃樹碑表墓昭銘景行云陳  
留蔡伯喈范陽盧子幹扶風馬日磾等遠來奔喪朋  
友服心喪墓年者如韓子助宋子浚等二十四人其

餘門人著錫衰者千數其碑文故蔡伯喈謂盧子幹  
馬日碑曰吾為天下碑文多矣皆有慙容唯郭有道  
無愧色矣

### 范巨卿碑

金鄉有范巨卿冢名件猶存

隸釋云范巨卿碑至今尚在恐名件二字水經

注誤也

巨卿名式山陽之金鄉人漢荊州刺史與汝南

張劭長沙陳平子石交號為死友

### 梁巖碑

成國渠左有安定梁巖冢碑碣尚存

袁梁碑

扶溝縣有袁梁碑云梁陳扶樂人

已上俱水經注

太尉橋玄碑

李元仲示余斷碑蓋從地得之昔為礎也故其剝鑿不可盡見惟曰公諱玄其下已缺又曰濉陽人知其為橋公祖碑也公祖故臣門人述其言行銘于三鼎

勒于征越官籍第次書之碑陰世或傳之此碑蓋司徒崔烈廷尉吳整刻列石者猶可於此書見之余謂  
玄在漢世無大事功惟疾惡破姦為務蓋剛介一操之士當其時所薦達多在顯位故其名猶傳又如魏武於其微時玄則識之故其後世名益顯也

廣川書跋

橋太尉碑在河南河南府治內

古今碑刻

張平子墓碑

右漢張平子墓銘世傳崔子玉撰并書按范曄漢書

張衡傳贊云崔子玉謂衡數術窮天地制作侔造化  
此銘有之則真子玉作也其刻石為二本一在南陽  
一在向城天聖中有右班殿直趙球者知南陽縣事  
因治縣署毀馬臺得一石有文驗之乃斯銘也遂龕  
於聽事之壁其文至凡百君子而止其後半已亡矣  
其在向城者今尚書屯田員外郎謝景初得其半於  
向城之野自凡百君子已上則亡矣今以二本相補  
續其文遂復完而闕其後四字然則昔人為二本者

不為無意矣據徐方回所記二十一字迺趙球所得

南陽石之亡者今又亡矣惜哉

集古錄

右漢張平子碑按後漢書列傳云平子永元中舉孝廉連辟公府不就安帝雅聞衡善術學公車特徵拜郎中而碑乃云舉孝廉為尚書侍郎傳云再遷為太史令而碑乃一遷碑云遷公車司馬令遂相河間而傳不載其為公車司馬令傳云在河間三年上書乞骸骨徵拜尚書乃卒而碑不載其為尚書此數事皆

當以碑為據惟傳云順帝初再徵為太史令今其事見平子所為應間可信不疑而碑無之豈平子初嘗罷免後復拜此官而碑不書歟

金石錄

右漢張平子殘碑政和中亡友劉斯立以此本見寄云其石新得於南陽凡七十有二字今世所傳平子碑有兩本其一亡其首其一亡其尾以二本相補其文乃足此碑蓋後段之亡失者也字畫尤完好云

同上

張平子前後殘碑小篆世傳崔子玉撰并書衡字平



子南陽西鄂人仕漢至河間相碑有二一在今鄧州  
南陽縣自凡百君子以下亡其半一本在縣之向城  
村自凡百君子以上亡之今以二本相續而文遂完  
撫向城之本而勒之南陽更為橫卷用便卷舒耳非  
如杜元凱兩碑之謂也

集古  
後錄

陰右縣郭先生碑

右不見書撰人名氏碑在襄州穀城縣界中其辭云  
先生諱輔字輔成其先出自有周王季之中子為文

王卿士食采於號至於武王錫而封之後世謂之郭  
春秋之時為晉所并歷戰國秦漢子孫派分來居荆  
土氏國立姓焉傳云聖賢之後必有達者先生應焉  
孝友而說學其長也寬舒如好施是以宗親歸懷鄉  
鄙高尚年五十有二遇疾而終其文字古質蓋漢之  
碑也其用鄉鄙字與漢婁壽碑同其曰寬舒如好施  
蓋以如字為而也春秋書星隕如雨釋者曰如而也  
然施于文章以如為而始見於此也

集古錄

右隸書不著書撰人名氏書字甚古蓋漢碑也先生

名輔字甫成荊州人碑在襄州穀城縣

集古錄目

右郭先生碑集古錄以為漢碑按後魏酈道元注水經具載此碑云碑無年號不知何代人然則歐陽公何所據遂以為漢人乎余以字畫驗之疑魏晉時人所為既無歲月可考姑附于漢碑之次云

金石錄

先生郭輔碑

先生諱輔字甫成其先出自有周王季之中子為文王

卿士采食於號望于武王錫而封之後世謂之郭春秋之時為晉所并遭戰國秦漢子孫流分來居荆土氏國立姓焉傳云聖賢之後必有達者先生應焉其少也孝友而悅學其長也寬舒如好施是以宗親歸懷鄉鄰高尚直已而行年五十有二遇疾而終有四男三女咸高賢姣嬈富貴顯榮可謂子孫繁者已其季女明文穎川之夫人也感惟孝妣克昌之德登山采石致于墓道邑人縉紳刻石作歌昭示來嗣其辭曰

實惟先生號仲之裔盛德遺祀休矣亦世孝友貞信仁  
恕好惠直已自求不欲榮勢綽綽令人獲道之望篤生  
七子鍾天之祉堂堂四俊碩大婉敏娥娥三妃行追太  
妣葉葉昆嗣福祿茂止克昌厥後身去烈在鐫石作歌  
昭示萬祀

右郭先生之碑隸額今在襄陽郭君名輔碑無歲月  
時代歐陽以為漢碑趙以為魏晉字書今碑有兩昭  
字晉人所諱疑此是魏刻郭君有四子碑云堂堂四

俊碩大婉敏而此碑乃其季女所立何也又云娥娥  
三妃行追太姒漢碑嘗以孔宙比禹湯矣此以太姒  
比郭氏諸女擬人不以其倫如此

隸釋

在襄陽穀城縣水經云先生字甫成有孝友悅學之  
美其女為立碑無年月不知何代人集古云字甚古

漢碑也金石云字畫疑魏晉時書隸釋是趙說

漢隸字原

### 郭有道碑

漢郭有道碑在太原府平晉縣蔡邕文并書在龍泉

側 又一碑在汾州介休縣墓側

天下碑錄

郭有道碑蔡邕文并漢隸在山西汾州府介休縣東

金石

略

此碑在介休縣余邑人王正己曾為某縣令余從其家覓一紙乃正己重刻者深恨不得原刻近有晉人為余言舊石曾在一秀才極愛之每往碑下摩娑累日一夕盜碑昇去縣令無奈重刻一石以應求者後又磨泐而王正己再刻之秀才所盜之石竟不得出異

哉 石墨 鐫華

范式碑

君諱式字

闕八

功存有夏實曰御龍

闕

疋商周世昭其

隆晉主夏盟有士會者光演弘謨翼崇霸業錫邑命族

闕

為范氏則其後也君稟靈醇之茂度體玄亮之殊高

徽采懿恭明允篤恕九德靡爽百行淵備弘道耽藝恢

韜墳籍探嘖研機罔深不入若乃立德隆禮樹節實真

志諒足以弼國篤友足以輔仁用能昭其洪懿聲充宇



甸接華彥於汝墳潤枯斃於荆漢超管鮑之遐蹤信靈

許乎炳煥是以闕化泉流芳闕鴻舊燿仁闡於權輿濟

俗侔乎皇訓羣公偉焉弓旌盈路再讓考闕二三府舉

高第侍御史拜冀州刺史糾剔瑕慝六教允施翰飛肅

於鷹揚興荆闕軌闕帝闕其勲遷廬江太守擬泰和

以陶化昭八則以隆治彌闕弘略惠訓七倦闕協闕

齊闕清源之深閱寶疏氏之至順以疾告辭韜

光潛燿詠琴詩以寧闕九其猶充洽外內實紹德之奧

藪而儀民之淵表也未亮三事

闕三字

終

闕六字常山相暨

子汜孫而南嗣罔繼粵青龍三年正月丙戌縣長汝南

薛

闕七字

感靈禪之不饗思隆懿模以紹奕世乃與縣之

碩儒咨典謨之中

闕

同宗

闕

之胄昭告祖考俾守

厥祀本文著宣融之祚人神協休茂之慶焉禮也於是

鄉

闕

上計掾翟猶州部泰山從事史翟邵等僉以為

君雖輝名載藉光颺前列而靈墳亡

闕

儀問靡述遂相

與略依舊傳昭撰景行刊銘樹墓以聲百世其辭曰

於昭上德實唐之胤誕表靈和蹈規履信窮神周覽祇

道之訓邁德徽猶鴻漸闕舊穢彼夸毗實此純懿以文

會友以仁翼闕敷化濟殖羣生以遂永言孝思民之攸

暨如何昊天不信其軌明德不報胤胙亡紀爰輯訓典

詢爾髦士育茲闕以永遐祉詒厥孫謀耀于萬祀

右故廬江太守范府君之碑篆額在濟州任城魏明

帝青龍三年縣長薛君鄉人翟循等所立范君名式

字巨卿山陽金鄉人仕漢至廬江太守傳書張劭陳

平子孔嵩三事甚詳至治郡則云有威名而已此碑  
 辭勝而事寡雖曰略依舊傳昭撰景行但云篤友足  
 以輔仁超管鮑之遐蹤爾未足以光颺盛德也傳云  
 為荊州刺史而碑作冀州以新野之事證之則碑誤  
 也此碑雖不及延康黃初四刻在魏隸他碑中可取  
 爾唐李嗣真作書後品乃云蔡公諸體惟范巨卿碑  
 風華艷麗古今冠絕甚矣藻鑑之謬也

隸釋

嘖即贖字赧即赫字

同上

右范式碑法書要錄云蔡邕書今以碑考之乃魏青

龍三年立非邕書也

金石  
釋

盧江太守范式碑在濟州任城縣西南四十里大頂

山

天下  
碑錄

盧江太守范式碑蔡邕書濟州

金石  
略

右隸書不著書撰人名氏式字巨卿山陽金鄉人後

漢時官至盧江太守獨行之士也此碑文字斷缺其

字及鄉里皆不可見魏青龍三年縣長薛

名  
缺

為之立

廟建碑在金鄉

集古錄目

范式碑在濟州漢獨行傳范式字巨卿或云蔡邕書

法書要錄唐李嗣真作書品云蔡公諸體惟范巨卿

碑風華艷麗古今冠絕隸釋詆之以為藻鑑之謬金

石云以碑考之乃是魏青龍三年立非邕書也

漢隸字原

右漢廬江太守范式碑式仕漢為侍御史拜荊州刺

史遷守廬江官亦不卑而史氏列之獨行傳中蓋以

式之可重者在篤於友誼其官爵固可略也此碑但

云篤友足以輔仁及云超管鮑之遐踪其外更無他  
語洪丞相謂未足以光颺盛德是已唐李嗣真書後  
品以碑為蔡伯喈書考之碑立於魏明帝青龍三年  
則非伯喈之筆明矣後鄭氏金石略亦云是蔡公書  
則又承書品之誤也

金薤  
琳琅

桂陽太守許荆碑

許荆字少張和帝時遷桂陽太守在事十二年父老

稱歌卒於官桂陽人為立廟樹碑

後漢書  
循吏傳

大匠翟黼碑

翟黼為大匠上言太學頽廢宜更脩繕誘進後學順  
帝從之遂起太學更開拓房室學者為黼立碑銘於

學云

後漢書  
翟黼傳

竇貴人碑

順帝初竇章女年十二能屬文以才貌選入掖庭有  
寵為貴人早卒帝追思之無已詔史官樹碑頌德章

自為之辭

後漢書  
竇章傳



崔瑗墓碑

初寔父卒剽賣田宅起冢塋立碑頌

後漢書  
崔寔傳

崔寔碑

寔建寧中卒大鴻臚袁隗樹碑表德

後漢書  
本傳

桓彬碑

桓彬少與蔡邕齊名光和元年卒蔡邕等以為彬有

過人者四夙知早成岐嶷也學優文麗至通也仕不

苟祿絕高也辭隆從窳潔操也乃共樹碑而頌焉

後漢

書本  
傳

范冉墓碑

范冉中平二年卒何進移書陳留太守累行論謚僉

曰宜為貞節先生刺史郡守各為立碑表墓焉後漢書

漢貝邱長博陵崔伯言碑

漢北海苑孟興碑

二碑在臨清縣東南十五里貝邱城文字磨滅寰宇記

耿球碑

在平棘縣宋子故城袁紹立碑師宜官書

寰宇記

耿勳碑

武都太守耿勳碑熹平三年造在成州同谷縣

續隸

界字與郟閣頌相類乾道間方出

漢隸字原

司隸校尉楊淮碑

熹平二年立在興元府隸續云此碑紹興中始出方

知大司隸楊孟文不名厥墨寶云磨崖

漢隸字原

江州夷邑長盧豐碑

建安七年立蜀人謂之漢夜郎碑

漢隸  
字原

豫州從事尹宙碑

八分書熹平四年四月立今在鄆陵縣豫字磨滅以

其潁川人而言本州知其為豫州也

金石文  
字記

秦君碑

八分書無年月滕縣東四十里馬山後有古城半圮

于河土中得此碑其文曰余聞湯武千載周孔異世

以義相高况余天祿踐跡遵基竊慕揚善喟然而嘆

其鄙辭曰

於穆秦君命世優邁承祖皇缺裔出畢缺紀行錄功

必本其初維君總角勵志仲尼從容六藝缺佃田疇

升階英妙轉典蒸黎為政崇博五教並和仁賢叙位

法依蕭何囹圄空虛鄉無逋逃凡百肅雍莫不率從

境內既寧路不拾遺耕夫千畝餘種不歸玄清介白

食茹拔葵三年有成嬰兒謠歌鼓腹喜德踴躍嘔唏

水靜魚集國富民繁戶增十倍牧守孔嘉怒不斷刑

寬不容非化惟邠邠比翮而飛永如南山不缺不虧

略取大較丹書刻石垂示後昆識者察焉

金石文字記



六藝之一錄卷五十一